

GOLLIRDU HOOREEJO BATTAA EN

BURKINA FASO

Potal - Humtaare - Sariya

HOORUUJO GUVERNEMA

KUMPITAL BATU
BATTAA EN

(PP-G/TRANS N°023-2024)

Rimalba Jan Emanuyel WEDIRAWGO

Wagadugu, ñannde 10 lewru jeddaburdu 2024

Batu battaa en jooy/inaama Wagadugu,
ñannde alarbaare 10 lewru jeddaaburdu 2024,
e dow joonde mum woowunde wadeede, yuwde
yamnde 9 yahade yamnde 13 e min. 12,
dow hooraaku
e teddeengal kapiten Ibrahim TARAWORE,
Persidan di Faso, Persidan Batu battaa en.

O tabintinii ko aykanoo ley ndee joonde,
hettindii kibaaruuji kaalaadi,
hokkii gollooɓe laamu
dey hokki laawol misiyonji gadowee ley leyde janane.

I. KO TABINTINAA

I.1. BANNGAL PERSIDANSI DI FASO

Batu battaa en adii **dekereeji dīdī (02)**.

Dekere arano na holla joyfingol, golle, segilooji golle e njaaki golle sarwiisi leydi men kowjotoodo gollitirdi annditirdi yimbe ayenseyi (ANCI).

Ko o dekere riiwata yo joyfinde sarwiisi mawdo golloowo faa tabintina hawju golleeji annditirdi yimbe ley Burkina Faso. O sarwiisi mawdo wallan hawrondinde hakkilooji e golleeji heba hegintina golleeji annditirdi yimbe dey hoyna gollirde e ordinateeriji ley golle sarwiisiji laamu feere feereeji.

Adugol o dekere na walla joyfinde sarwiisi leydi men kowjotoodo gollitirdi annditirdi yimbe heba hegintina golle dey hawrondina no yaawiri e no woodiri golleeji annditirdi yimbe e masinaaji di semmbe e kawtooji na ngollida.

Dekere dīdamo na holla segila golle, golle e njaaki golle sarwiisi mawdo, dum won sanseleri hooreejo kokkoowo medaayiji (dube) yimbe Burkina.

O dekere na saatotagol dekere L°2018-079/PRES/GC mo ñannde 03 lewru jeenayaburdu hitaande 2018 kolloowo segila golle, golle e njaaki golle sarwiisi mawdo sanseleri hooreejo kokkoowo medaayiji yimbe Burkina.

Ko heydi ley battital golle e dekere yo ko rewti dum :

- wttitiringol sarwiisi hooreejo kiilniido hawju e ceede e sarwiisi hawju ceede ;
- joyfingol sarwiisi kiilniido hawju golloobe ;
- joyfingol sarwiisi kiilniido tewtugol annde e ayka golleeji ;
- yaharude wattowa sarwiisi kiilniido sariyaaji e rafi paamiral ley sekeretaariya jeneral ;

- beydugol lunnadeji didi ko tewtoobe annde kese ;
- wattitingol booyol golle (manda) sanseliye mawdo yuwa duubi joy (05) dey wartiree duubi tati (03) tawee na waawi juunnireede kasin duubi tati nde gootan.

Adugol o dekere na walla sanselier mawdo semmbinde joonndem ley sarwiisi dey gollira gollem no hegitorii.

I.2. BANNGAL BATAARE HIILNIINDE JAWDI LEYDI, FAGGUDI JAWDI E AYKA GOLLEEJI LAAMU

Batu battaa en adii **dekere** yamiroowo yobnugol ceede banngal golle sarwiisiji hooreeji anndandi golle battaare hiilniinde kumpital, finaatawaa, ñeeñal e tuurismu.

Golle tuurismu ley Burkina na yahara yeeso sabu golleeji kesi beydoke banngal nokkuuje do yimbe mbaalata hono cuudi werbe, nokkuuje do footintee, guroy vakansi, hotellihoy, cuudi darjinaadi e hegintingol golleeji tuurismu gadeteeɗo wakkatiiji cubaadi burudi hoyude yiilaade. .

Ko taykaa kasin, dekere L°2017-0377/PRES/PM/MCAT/MINEFID mo 22 lewru joyaburdu hitaande 2017 kokkoowo laawol yobnugol golle sarwiisiji anndandi golle tuurismu battaare nden na ngondi hannde tiidormaaji. Diin tiidormaaji na kabɓodii e rafi limugol golleeji njobneteeɗi hono formasonji gadeteeɗi banngal ñeeñal e finaatawaa, teyaatiiriji, golle ñeenal e tawti golleeji ñeeñal di lujunaaji nawtortoo.

Ndelle o dekere yo saatagol dekere dowuujo, ko o riiwata yo nannude ceede ley keesuwal laamu banngal golleeji kesi ley tuurismu, finaatawaa e ñeeñal.

Adugol o dekere na woni ley alhaali ceede de battaare hiilniinde kumpital, ñeenal, finaatawaa, e tuurismu hokkata laamu ley golleeji mum.

I.3. BANNAL BATTAARE HIILNIINDE SARIYA, KAANE YIMBE, KAWTAL HAKKUNDE JEBE LAAMU

Batu battaa en kiiñoke **laluwaa anniyaado adeede** kolloowo sariya yimbe e koreeji ley Burkina Faso.

O porje laluwaa yo saatagol Zatu n°AN VII 0013/FP/PRES mo ñannde 16 sappo e go'aburdu hitaande 1989 kolloowo joyf'inde e tabintinde golle sariya yimbe e koreeji ley Burkina Faso.

O porje laluwaa wallan hokkude yimbe Burkina e golliroofo e talki sariyaaji e sariya yimbe e koreeji caataadi, jaadooiji e ko darjinaa ley finaatawaa leydi men dey tawee na hawra e sariyaaji kawtaadi e leyde adunaari yoga.

Ko wattitaa dey na selli ley sariya yimbe e koreeji yo ko rewti dum :

- wattitingol innde laluwaa oon : « Zatu » wattitiree e « laluwaa bannal yimbe e koreeji » ;
- hokkugol laawol talki rimeegol winndiree ordinateeriiji dey moobee ley majji faa di nawtorowee wawtu fu ;
- jukkude needi bonndi dum won ko gorko e gorko fukkodotoo maa debbo e debbo fukkodotoo (omoseksiyalite) e neediiji nanndu di e majji ;
- jabnaaki beero maa mo walaa bii-leydaaku Burkina hokkee ñannde dewgal mum e burkinaajo talkuru bii-leydaaku Burkina ;
- wadugol e seedagol bii-leydaaku Burkina yo e talkuru seedordu bii-leydaaku tan jabnii;
- winndugol talki dewgal diina maa finaatawaa dey wattee ley talki sariya yimbe e koreeji.

Batu battaa en hokkii laawol faa talki anniyaadi tabintineede din njaharee Asammbule Sariya Taranzison.

I.4. BANNAL BATTAARE HIILNIINDE NDEMRI, MARAL E JAWDI WUURUNDI LEY NDIYAM

Batu battaa en adii **dekere** kolloowo hokkugol laawol heba sardiiji caataadi gadanaadi Sosiyete leydi men kiilniido ndeenaagu ndesa nguurey yimbe (SONAGESS) nawtoree.

O dekere keso yo saatagol dekere L°2023-0669/PRES-TRANS/PM/MARAH/MEFP/MDICAPME mo ñannde 06 lewru jeegaburdu hitaande 2023 kolloowo tabintingol sardiiji Sosiyete leydi men kiilniido ndeenaagu ndesa nguurey yimbe.

Adugol o dekere na walla Sosiyete leydi men kiilniido ndeenaagu ndesa nguurey yimbe gollirde gollem no hegitorii.

I.5. BANNAL BATTAARE HIILNIINDE BANTAARE LUJINAAJI, JAAGU, ÑEEÑAL, ANTEREPIRIZIJI PAMARI E POTORDI

Batu battaa en adii **dekere** kolloowo hegintingol dekere L°94-233/PRES/MICM mo ñannde 13 lewru jeegaburdu hitaande 1994 kolloowo joyýingol Sosiyete leydi men kiilniido ndeenaagu ndesa nguurey yimbe (SONAGESS) e hegintingol dekere L°96-427/PRES/PM/AGRI-RA mo ñannde 13 lewru sappo e dídáburdu hitaande 1996.

Ko waylitaale ley o dekere dey na mawni yo ko rewti dūm :

- waylitagol njaaki golle, dūm won beydugol daliili darnirɗo coggu mo laamu yamiri (PMG), hawjagol golloobe gure, SONAGESS artoo hokka nguurey mangasanji laamu e baale ballirooje yimbe nguurey, joyýinde waalde hawondinoobe e sonnoobe nguurey ley gure, ñibude magasanji ndewguuji e wadude golle kontara e remoobe maaro;
- yaajinde siiji nguuey dī SONAGESS sonnata ;

- beydugol ceede kokketeede SONAGESS, e baawdem banngal ñibdiiji e gineeji gollitirdi hono ndinndirdi ;
- beydugol moyŷol golle faa tinu beydoo banngal hawju golle/desa nguurey e tawti golloobe kawjotoobe gollitirdi, hiiñotoobe annde cogguuji ley leydi e gende janane fu.

Adugol o dekere na walla hegintinde talki joyŷinirdi Sosiyete leydi men kiilniido ndeenaagu ndesa nguurey yimbe e saatagol golleeji heba cogguuji luumooji kegintinee.

I.6. BANNGAL BATTAARE HIILNIINDE ÑIBDIIJI NGALLUUJE, BANNGAL JEYAL LEYDI E NOKKUUJE NGUURNDAM YIMBE

Batu battaa en adii **dekere** kolloowo dabareeji hegintinooji, ley wawtu cubaado, golle jaagotoobe nokkuuje e cuudi.

Guvernema Taranzison, caggal adugol laluwaa L°008-2023/ALT mo 20 lewru jeegaburdu hitaande 2023 kolloowo no golle jaagotoobe nokkuuje e cuudi njaharata ley Burkina Faso, joyŷinii komite mo battaaji kawti heba hiiña sadfaaji jaagotoobe nokkuuje e cuudi gollanoobe ko'e muɓben ley laluwaa paltiido.

O komite tinndinii hegintingol golle nokkuuje 127 de jaagoroobe nokkuuje e cuudi 49 njeyi.

O dabare diiwirɗo sadfaaji lotiisima na daranii sadfaaji yimbe, sabu yimbe tinnoke coodii nokkuuje e cuudi connube nokkuuje den du, na ngondi talki laamu hono talki jeyirdi nokku, talki kokkooji laawol wada lotiisima, maa du arete kokkowo laawol tabintingol porje ñibugol cuudi maa do (ONEA-SONABEL) ngoni.

Adugol o dekere wallan hebude dabareeji cubaadi lobbi faa hegintina nokkuuje sonnoobe nokkuuje e cuudi.

II. KIBARUUJI KALAADI

II.1. Battaa daraniido kumpital finaatawaa, ñeeñal e yiilunde holli ley batu oon kibaaru kabodiido e taweede Burkina Faso e kawrital manngal 46^{ga6o} komite jawdi suudu baaba aduna mo waaldeere Nasiyon zini joyf'ini banngal mbiirdi, tewtugol anndal e finaatawaa annditirteedo (inesko) anniyaangal wadeede yuwde ñannde 21 yahade 31 lewru jeddaaburdu hitaande 2024 ley Niw Deli leydi Enndi.

Tabintingol Burkina Faso paamral banngal hawjagol jawdi suudu baaba, finaatawaa adii aadi wattugol hoorem e anniya aduna fuu ko buri fuu banngal hawjagol jawdi finaatawaa ngoondando bi6be aadaama en darja feereejo. Taweede leydi men e ngaal kawrital 46^{ga6o} na saabo hebugol nokku 4^{a6ol}, d'uum woni galle kaananke Tiyebele wattee dow innde jawdi suudu baaba aduna.

II.2. Battaa daraniido hawjagol laamu leydi, desantaralizason et ndeenagu yimbe holli batu oon kibaaru kabodiido e yobugol junggo e junggo ley ndewguuji e kominniiji gollanbe Lamu ngonube e poytiri (hooyube rettrete) tawe wo ngardu e talki kollooji ke e poytiri ngonii.

Oon golle saaboken yaltingol nilaabe ley ndewguuji e kominniiji juwde lewru jeenayaaburdu yahade lewru sappo e didaaburdu hitaande 2023. Feendaa ngool yobugol wo faa Laamu yi'a gollanbe Laamu ngonube e poytiri 6e fuu, keboobe njomdi poytiri, njomdi donggu, njomdi kiibigaabe dey faama saddaaji di 6e ngondi. Ley ndewguuji di rafi ndenaagu ngu woodi semmbe woo 6e niltira kibaruuji diin.

Golle oon walli wadugol ko rewtidum :

- Winndugol inde gollanbe Lamu ngonube e poytiri ley ndewgu fuu
- Taykaade ke gollanbe Lamu ngonube e poytiri wobbe na njabanno ko buruno njobdi mu6boy ;

- Taykaade ke gollanbe Lamu ngonube e poytiri wobbe na njabanno ceede de hewtayno njobdi muɓboy ;
- Taykagol kee gollanbe Laamu ngonube e poytiri won maayube dey sarwiisi mabbe hollaaka.

Ndelle ngoole yubugol junggo e junggo saaboken hegitingol njobdiiɗi gollanbe Lamu ngonube e poytiri yuwde pudde muɓboy poytiri be talki muɓboy ndewi laabi sariya dey keba talkuru gollanbe Laamu ngonube e poytiri ley ndewguuji e kominniiɗi faa ceede mabbe ngatte ley keesuwal golloobe ngonube e poytiri annditirteedo (karfo).

II.3. Battaa kilniindo yigiraagu, gollidal e leyde piilude en e Burkinaabe ngonube njanandi holli batu oon **kibaruuji tati**.

Kibaaru arano oon na kumpita kawrital aranal manngal hooreebe waaldeere leyde sahel rabindiniraado (ayes) gaduɗo ñannde 06 lewru jeddaɓurdu hitaande 2024 ley Niyame leydi Nijeer.

Feendaa mawɗo ngaal kawrital wo semmbinde yigiraagu hakkunde de gende tati (Mali, Nizer e Burkina Faso) dow yottingol anniyaaji golleeɗi kawrital ngaal.
« waaldeere leyde sahel »

Ley ngaal kawrital hooreejo leydi men tedduɗo kapiten Ibrahim TARAWORE e gollidiibem tedduɗo kolonel Aasimi GOYITA e tawti tedduɗo jeneral Abdurahamaan CAANI kawriti ngadii maada kolloowo joyɗingol waaldeere leyde sahel.

Wadugol hooreebe leyde sahel tati oo maanda, hollii anniyaaji muɓboy e nootanagol biɓbe leydi e gollugol golle nafoojo yimbe fuu.

Ley ngaal kawrital hooreeɓe leyɗe sahel tati ɗe adii aadi kokkii hooregal waaldeere ndeen tedduɗo kolonel Aasimi GOYITA persidan fadde, persidan leydi Mali ɓooyol hakke hitaande wootere, dey Burkina Faso jaɓɓo kawrital aranol haaldugol waaldeere ndeen. Be paamirii du e joyɗingol banki gattoowo ceede golleeji pagorteedi waaldeere ndeen e tawti kaalisi deseteeɗe ley gende sahel.

Kibaaru diɗaɓo oon haɓɓodaakina e yahugol tedduɗo hooreejo Battaa en leydi alsilaami en Iiran, saabu yigiraagu e gollidal yuwde ñanne 24 lewru nayaɓurdu yahade 1 lewru joyaɓurdu hitaande 2024.

Feendaa ngaal jahaangal wo semmbingol gollidal hakkunde Burkina Faso e leydi Alsilaami en Iiran. Ngal wadayna caggal kawrital manngal faggudi 2^{abɓ} Iiran – Afiriki e kawrital 6^{abɓ} Iiran Ekspo.

E ley ñalaade de tedduɗo Appolineere Jowashimsom KIYELEM de Tammbeela wadi toon o ndaari nokkuuje lujinnaaji banngal kuuran e ko nanndi e mum e ndeenaagu. Ngaal jahaagal saaboken hollugol Burkina Faso annde faggudi muɓɓoy leydi Iiran dey heɓa boy dootire e hamdugol banngal rafi ndeenaagu leydi muɓɓoy. Ndum saaboken du tewtugol daliliiji hoynugol yaha yaatondirgol e omtugol laawol laana Eer Iiran e ittugol viisa hakunde gennde ɗɗi ɗe . Hooreeɓe Lamu Iiran kolli na mbaawi hokkude leydi men gollitirdi kesi e ekkitingonboy no gollitirdi kesi ngollirte.

hooreejo Battaa en leydi men hawri e ɓiɓɓe Burkina hoɗuɓe Iiran. Ley oon batu Burkinaabe ngonube sera njetti hooreeɓe Laamu fadde banngal hamdugol e terorismu dey kolli aadi dowtirdeɓe.

Kibaaru tataɓol ngool haɓɓodaakina e taweede Burkina Faso weltaare 45^{abɓ} muurtere baylital laamu (Revolisiyon sandinisti) anniyaado ñanne 19 lewru jeddaɓurdu hitaande 2024 ley Managuwa leydi Nikaraguwa.

Taweede genndi men ndeen weltaare semmbinan yigiraagu hakkunde Burkina Faso e leydi Nikaraguwa.

II.4. Battaa kiilniido bantaare lujinaaji, jaagu, ñeeñal e anterepiriziiji pamari e potordi holli ley batu oon **kibaruuji didi**.

Kumpital aranol ngool na haɓɓodi e taweede Burkina Faso kawrital 8^{abal} waaldeere ñeeñal kamerun mawnde na raɓɓindiniraa siyark (SIARC), anniyaado yūwde ñande 22 yahade 31 lewru jeddaɓurdu gadeteedo leydi Yawunnde.

Hoore haala weltaare ndeen wo « ko gollitirgol masinaaji maa ordinateerijji (nimerik) nafata bantaare ñeeñal boyoore e hawrondingol golloobe golle ñeeñal ».

Waaldeere ñeeñal Kamerun mawnde na raɓɓindiniraa Siyark (SIARC) wo nokku do golloobe golle ñeeñal Afiriki kebata mosola kaalaa dey kollaa golleeji muɓboy, kollondira anndal gollal kala fuu e tawti heɓugol yigiraabe sodoobe mawbe .

Kumpital didaɓal ngaal haɓɓodaakina e weltaare kawrital 5^{abal} lewru ñaamen ko paggidɛn ley gende Afiriki gorgaaje kawtude kaalisi (iyemowa) anniyaado yūwde ñannde 1^{abo} yahade 07 lewru sappaburdu hitaande 2024.

Hoore haala mo gende Afiriki gorgaaje kawtude ceede hokki ley ngal kawrital 5^{abal} wo « **Ñaamude ko paggidɛn en wo hunnde bantoore l’uujin,semmbingol e tabintingol fgguduujji gende ngonude ley iyemowa** ».

Muuyo yaharude yeeso ndeen weltaare wo jannjingl bantaare ñaamugol ko paggidɛn e tawti gende Afiriki gorgaaje kawtude ceede ley lewru sappaburdu ndu.

Ley Burkina Faso ngaal kawrital joyŷ/indinte e weltaare ñalaade jinngangol leydi men e wadugol ko bii leydi fuu haani wadude.

II.5. Battaa kiilniido maaje, hayaaku e tewtugol golleeji humpitii batu on banngal tawegol Burkina Faso e weltaare Afiriki dadondirgol banngal maaje 23^{aboi}, wadunde yuude ñannde 21 yahade 26 lewru jeegaɓurdu hitaande 2024 ley galluure Dawla leydi Kamerun.

Ndee weltaare hawrondinii doggoobe Afiriki hooreebe 2 500 dey waddani Burkina Faso hebude dubal kanje ley diwugol tatiwol (tripili so) e dubal cardi ley diwugol rewbe njunndeefiwol, saabanii en laataade 14^{abo} dow leyde 49 tawaade den.

Batu on yettii kebuɓe dube ben dey holli ɓe tinnoo e segilanaade dadondire ngarooje.

III. HOKKUGOL LAAMU

III.1. HOKKUGOL LAAMU LEY SARWIISIJI LAAMU MAWDI

A. BANNGAL GOLLIRDU LAAMIIDO LEYDI MEN

- Musey Asan **TAMMBURA, Matirikil 75 670 P**, wakiili leydi tedduḍo (kokkaado laamu manngu wakiili en leydi), kalaasi 1^{abo}, eselon 13^{abo}, hokkaama laamu Ambassadeere Burkina Faso tedduḍo kokkaado baawde laamu mawe to Koweeti ;
- Musey Yakuba **BILA, Matirikil 212 301 W**, konseye banngal golle faggudu, kalaasi 1^{abo}, eselon 8^{abo}, hokkaama laamu hooreejo biron Direkteere zeneral : Azansi daraniido bantaare golle faggudu suudu baaba na raḅḅindiniraa Apek (APEC) ;
 - Musey Boroma **TARAWORE, Matirikil 49 124 L**, Ensipekteere lampuuji, kalaasi 1^{abo}, eselon 6^{abo}, hokkaama laamu Direkteere golleeji sarwiisi leydi kawjotoodo laraḷ leydi na raḅḅindiniraa Ayensef (ANCF) ;
- Musey Feliksi Sharl **DALA, Matirikil 212 272 V**, Konseye banngal moyfiingol laraḷ leydi, kalaasi 1^{abo}, eselon 9^{abo}, hokkaama laamu Direkteere segilooji e hawju luure sarwiisi leydi kawjotoodo laraḷ leydi.

B. BANNGAL BATTAARE HIILNIINDE JINNGANGOL LEYDI E ANSEN KOMBATAN EN

Musey Ismayel **NAMUWANO**, militeere mawdo (Ofisiye), hokkaama laamu Direkteere hwjo golloobe sarwiisi leydi men kiilniido segilooji tedduḍi na raḅḅindiniraa Snas (CNES)

C. BANNGAL BATTAARE HIILNIINDE SARIYA, KAANE HIMBE, KAWTAL HAKKUNDE JEBE LAAMU

- Musey Marsel **ZONNGO, Matirikil 212 340 G**, konseye banngal kaane bii-aadama, kalaasi 1^{abo}, eselon 9^{abo}, hokkaama laamu Direkteere zeneral sarwiisi kawjo kaane bii-aadama;
- Musey Emil Fidel Konatiye **DALA, Matirikil 130 430 U**, golloowo sariya (mazistara), garaadi 1^{abo}, eselon 3^{abo}, hokkaama laamu Direkteere zeneral Keesu kaalisi mballa sariya (FAJ) ;
- Musey Iisa Abdul-Jabbar Suuri **MAYGA, Matirikil 130 299 R**, golloowo sariya (mazistara), Ketegori P, garaadi dowuujjo, eselon 2^{abo}, hokkaama laamu Direkteere zeneral Azansi leydi daraniido njobdiiiji jawdi ndi laamu nanngi maa teeti na rabbindiniraa Anagrask (ANAGRASC) ;
- Musey Diyedone **BONKUNNGU, Matirikil 130 382 D**, golloowo sariya (mazistara), Kategori P5, garaadi 1^{abo}, eselon 4^{abo} hokkaama laamu Direkteere sariya bononndaaji e tampon sariya.

D. BANNGAL BATTAARE HIILNIINDE NAATUGOL GOLLIRAL ORDINATEERIIJI, SARWISIIJI POSTI E KUMPITIRDI KESI

- Musey Teg-Wende Idris **TINTO, Matirikil 255 514 L**, Enzeniyeere banngal golleeji enformatikki, kalaasi 1^{abo}, eselon 3^{abo}, hokkaama laamu Tinndinoowo anndando golle.

E. BANNGAL BATTAARE HIILNIINDE BANTAARE LUJINAAJI, JAAGU, ÑEEÑAL E ANTEREPIRIZIIJI PAMARI E POTORDI

- Musey Eduwar **KABOORE, Matirikil 247 184 L**, konseye banngal golle faggudu, kalaasi 1^{abo}, eselon 5^{abo}, hokkaama laamu kiilniido segiloooji.

F. BANNGAL SEKERETARIYA ZENERAL GUVERNEMA E BATU BATTAA EN

- Musey Zislen **MILOGO, Matirikil 245 174 C**, hawjo sarwiisiji golle kaalisi, kalaasi 1^{abo}, eselon 6^{abo}, hokkaama laamu Direkteere luumooji golle laamu.

III.2. HOKKUGOL LAAMU DEENTE KAWJOTOODE SOSIYETEEJI E SARWIISIJI LAAMU MAW'DI

Batu on hokkii laamu kawjotoobe ley deente hawju :

- To sarwiisiji dokkal kibaaruuji **SIDWAYA** e suudu Radiyon e Televizon Burkina (RTB) dow innde battaare hiilniinde kumpital, finaatawaa, ñeeñal e yiilunde ;
- To Azansi leydi kiilniido bantaara annde tabintinaade na raɓbindiniraa Apeyen (APEN) dow innde battaare hiilniinde bantaare lujinaaji, jaagu, ñeeñal e anterepiriziji pamari e potordi.

Batu on hokkii du, laamu Persidan en deente hawju Azansi leydi kiilniido bantaara annde tabintinaade na raɓbindiniraa Apeyen (APEN).

A. BATTAARE HIILNIINDE KUMPITAL, FINAATAWAA, ÑEEÑAL E YIILUNDE

Batu on hooyii **dekereeji dīdī (02)**.

Dekeree arano on na hokka Musey Bakari **KONE, Matirikil 117 403 C**, Konseye anndandō dabareeji dokkal kibaaruuji e humpitingol, hawjo wakiili laamu leydi, dow innde battaare hiilniinde kumpital, finaatawaa, ñeeñal e yiilunde to deental hawju sarwiisi dokkal kibaaruuji **SIDWAYA** ko booyol laamu aranol ngol duubi tati (03).

Dekeree dīdābo on na hokka Musey Burema **LANKONDE, Matirikil 111 394 F**, Konseye anndandō dabareeji dokkal kibaaruuji e humpitingol, hawjo wakiili laamu leydi, dow innde gollirdu hooreejo leydi men to denntal hawju suudu Radiyon Televizon Burkina (RTB) ko booyol laamu aranol ngol duubi tati (03).

B. BANNGAL BATTAARE HIILNIINDE BANTAARE LUJINAAJI, JAAGU, ÑEEÑAL E ANTEREPIRIZIJI PAMARI E POTORDI

Batu on hooyii **dekereeji dīdī (02)**.

Dekeree arano on na hokka Musey Mambila **BANSE, Matirikil 96 516 D**, konseye banngal golle faggudu, hawjo wakiili laamu leydi, dow innde battaare hiilniinde bantaare lujinaaji, jaagu, ñeeñal e anterepiriziji pamari e potordī to deental hawju Azansi leydi kiilniidō bantaara annde tabintinaade na rabbindiniraa Apeyen (APEN) ko booyol laamu aranol ngol duubi tati (03).

Dekeree dīdābo on na hokka Musey Mambila **BANSE, Matirikil 96 516 D**, konseye banngal golle faggudu, Persidan deental hawju Azansi leydi kiilniidō

bantaara annde tabintinaade na rabbindiniraa Apeyen (APEN) ko booyol laamu aranol ngol duubi tati (03).



www.sig.gov.bf

Hooruujo Governema

Le Porte-parole du Gouvernement,



Rimalba Jean Emmanuel OUEDRAOGO
Officier de l'Ordre de l'Étalon

Rimalba Jan Emanuyel WEDIRAWGO
teddinirado mbarjitaari dubal puccu